



## Yel-kāngã na n taa zīig fãa yung la wīndg sēn taē, la Wēnd ka na n bas tēng pugē roto, A ka na n bas gānd zagse, rēndame t'A kēes-a dīin-kāngã

Yii a Tamiim Ad-daary nengē, (Wēnd yard be a yīnga), a yeelame, Wēnd Tēn-tuuma, (Wēnd puusg la A tigr be a yīnga) a yeelame: «Yel-kāngã na n taa zīig fãa yung la wīndg sēn taē, la Wēnd ka na n bas tēng pugē roto, A ka na n bas gānd zagse, rēndame t'A kēes-a dīin-kāngã, ne nin-tirg turlem, maa yaand yaalgo, turlem Wēnd sēn na n zisg lslaamdã ne-a, la yaalgo Wēnd sēn na n yaal kifēndã ne-a». La a Tamiim Ad-daary rag n yume n yetē: mam bānga yel-kāngã m zakã rāmbē, ad neb nins sēn tuubã b paama sōmblem la zislem la zu-zēkre, la neb nins sēn kell n pa kifēndã pugē wã yaalg la paogr la yānd n paam-ba.

[Naşun Şahuhun (Gom-sikdem sēn manege)] [A Ahmad n togs-a]

Wēnd Tēn-tuumā (Wēnd puusg la A tigr be a yīnga) kōta kibare, ti ad dīin-kāngã, a na n gūbga ween-n-vusã fãa, zīig ning fãa wīndgã la yungã sēn tatē, dīin-kāngã na n taa beenē, la Wēnde, (A Naam zēk yã) A ka na n bas zaka, tēng pugē maa tēn-bāanegē wã, maa we-raadē wã rēndame t'A kēes-a dīin-kāngã, rēnd ned ning sēn saka dīin-kāngã, n kō sud ne-a, a na n yu zisg ne lslaamdã zislem, la ned ning sēn tōdga la a kiflg ne-a, a na n yu yaalga, b sēn yaal a soaba, rē poorē ti Şahaabga a Tamiim Ad-daary (Wēnd yard be a yīnga) kō kibare, ti yē bānga yell ning Wēnd Tēn-tuuma, (Wēnd puusg la A tigr be a yīnga) sēn kō kibarã, yē zakã rāmb nengē, rēnd neb nins sēn sak n tuubã b paama sōma la zugendu la zislem, la sēn kiflbã paama yaalgo, n paas yē sēn kōt lslaambã arzagsã, (sēn na yul ti b gū-a).

<https://sunnah.global/hadeeth/mos/show/11220>

